

# Hysbysebu trwyddedau ar gyfer gwasanaethau amblecs radio ar raddfa fach

---

Rownd Saith

Cyhoeddwyd: 28 Ionawr 2025

Dyddiad cau ar gyfer ceisiadau: 29 Ebrill 2025

# Cynnwys

---

## Adran

1. Trosolwg ..... **Error! Bookmark not defined.**
2. Y trwyddedau sy'n cael eu hysbysebu ..... **Error! Bookmark not defined.**
3. Sut mae gwneud cais ..... **Error! Bookmark not defined.**2

# 1. Trosolwg

1.1 Yn y ddogfen hon, mae Ofcom yn cynnig rhoi trwyddedau i ddarparu gwasanaethau amblecs radio ar raddfa fach, ac mae'n gwahodd ceisiadau am drwyddedau ar gyfer yr ardaloedd canlynol:

- Arbroath, Carnoustie a Montrose
- Bridgwater
- Bromsgrove, Kidderminster a Redditch
- Cirencester
- Ely a March
- Enniskillen
- Exmouth a Dawlish
- Caerloyw
- Caerhirfryn
- Llanelli
- Loughborough a Coalville
- Malton
- Market Harborough
- Midlothian
- De Arforfir Moray
- Newark-on-Trent
- Gogledd Berkshire a De Swydd Rydychen
- Gogledd Norfolk
- Gogledd Gwlad yr Haf
- Oban
- Ringwood, Verwood a Fordingbridge
- Rugby a Daventry
- Stockton-on-Tees
- Wellingborough
- Gorllewin Swydd Rydychen
- Gorllewin Gwlad yr Haf a Lynton
- Ynysoedd y Gorllewin
- Weston-super-Mare
- Caerwrangon

1.2 Mae ardal y drwydded a elwid gynt yn Witney wedi'i hail-enwi fel Gorllewin Swydd Rydychen oherwydd ein bod wedi'i hymestyn i gynnwys Chipping Norton (ardal nas neilltuwyd yn flaenorol i unrhyw ardal trwydded amblecs ar raddfa fach), yn dilyn adborth gan ddarparu ymgeiswyr.

1.3 Ar ben hynny, rydym hefyd yn gwahodd ceisiadau yn y rownd hon ar gyfer yr ardaloedd canlynol sy'n cael eu hysbysebu eto:

- Penrhyn Ards
- Banbury a Bicester
- Taunton
- Wakefield a Castleford

- 1.4 Yn dilyn adborth gan ddarpar ymgeiswyr, mae'r ardaloedd trwydded a hysbysebwyd yn flaenorol ar gyfer Banbury a Bicester a Wakefield, Castleford a Dewsbury wedi'u diwygio. Mae ardal trwydded Banbury a Bicester a ail-hysbysebwyd bellach yn ymgorffori rhai ardaloedd o orllewin Swydd Northampton, yn enwedig Towcester, nad oeddent wedi'u dyrannu'n flaenorol i unrhyw ardal trwydded amblecs ar raddfa fach. Nid yw ardal drwydded Wakefield a Castleford a ail-hysbysebwyd bellach yn cynnwys Dewsbury.
- 1.5 Gwasanaeth amblecs radio yw'r ffordd o ddarlledu gorsafoedd radio digidol DAB, a gall ddarparu oddeutu 10 gorsaf radio stereo (ac oddeutu 20 gwasanaeth stereo os yw DAB+ yn cael ei ddefnyddio).
- 1.6 Mae hysbysebu'r trwyddedau hyn yn ffurfio Rownd Saith o raglen Ofcom ar gyfer trwyddedu DAB ar raddfa fach, fel y nodir yn [ein datganiad ar drwyddedu DAB ar raddfa fach](#) a gyhoeddwyd ym mis Ebrill 2020. Sylwer nad ydym yn bwriadu dyfarnu mwy nag un radio ar raddfa fach trwydded amblecs ar gyfer pob ardal yr ydym yn ei hysbysebu (h.y. nid oes gennym unrhyw gynlluniau i ddyfarnu trwyddedau amblecs radio ar raddfa fach ychwanegol ar gyfer ardal benodol unwaith y bydd gwasanaeth amblecs radio ar raddfa fach wedi'i drwyddedu gennym ni i wasanaethu'r ardal honno).
- 1.7 Mae Ofcom yn dyfarnu trwyddedau amblecs radio ar raddfa fach mewn proses gystadleuol. Mae hyn yn golygu bod ceisiadau'n cael eu barnu yn erbyn meini prawf penodol, ac mae Ofcom yn dyfarnu pob trwydded i'r ymgeisydd y mae'n credu sy'n bodloni'r meini prawf orau.
- 1.8 Y dyddiad cau ar gyfer ceisiadau am y trwyddedau amblecs radio ar raddfa fach sydd wedi'u rhestru uchod yw **5pm dydd Mawrth 29 Ebrill 2025**. Y ffi ymgeisio na ellir ei ad-dalu yw £500.
- 1.9 Mae Ofcom hefyd bellach yn gwahodd ceisiadau gan ddarpar ddarparwyr gwasanaethau rhaglenni a hoffai ddarlledu gwasanaeth Rhaglen Sain Digidol Cymunedol (C-DSP) ar wasanaeth amblecs radio ar raddfa fach y mae trwydded yn cael ei hysbysebu ar ei gyfer yn y ddogfen hon.

## 2. Y trwyddedau sy'n cael eu hysbysebu

2.1 Mae'r adran hon yn darparu, ar gyfer pob trwydded amblecs radio ar raddfa fach yr ydym yn ei hysbysebu yn Rownd Saith, fap sy'n nodi'r ardal ddaearyddol neu'r gymdogaeth y bwriedir i'r drwydded ddarparu gwasanaeth ar ei chyfer, a data perthnasol ar gyfer pob ardal drwydded, gan gynnwys y ddarpariaeth i'r boblogaeth oedolion.

2.2 Mae'r tabl isod yn egluro'r data a ddarparwn yn fwy manwl:

Data	Disgrifiad
<b>Poblogaeth ardal y drwydded</b>	Cyfanswm y boblogaeth oedolion (15+ oed) yn yr ardal y bwriedir i'r drwydded amblecs a hysbysebir ei gwasanaethu (hy y boblogaeth sydd o fewn y llinell goch ar y map). Daw hyn, a'r holl ddata arall am boblogaeth yn y tablau hyn, o ddata Cyfrifiad 2011.
<b>Maint ardal y drwydded</b>	Maint daearyddol, mewn cilometrau sgwâr, yr ardal y bwriedir i'r drwydded amblecs a hysbysebir ei gwasanaethu (hy yr ardal sydd o fewn y llinell goch ar y map). Mae'r ffigur yn cynnwys ardaloedd o fôr pan fydd hynny'n berthnasol.
<b>Capasiti C-DSP sydd wedi'i neilltuo</b>	<p>Mae'r ddeddfwriaeth DAB ar raddfa fach yn mynnu bod Ofcom yn sicrhau bod trwyddedeion amblecs radio ar raddfa fach yn neilltuo capasiti darlledu ar gyfer o leiaf dri gwasanaeth Rhaglenni Sain Digidol Cymunedol ('C-DSP'). Mae hefyd yn mynnu ein bod ni'n nodi'r capasiti hwn wrth hysbysebu trwydded amblecs radio ar raddfa fach. Ar gyfer pob trwydded rydym ni'n ei hysbysebu, mae Ofcom wedi pennu nifer y gwasanaethau C-DSP y mae'n rhaid neilltuo capasiti ar eu cyfer. Gwnaed y penderfyniadau hyn ar sail y ffactorau sydd wedi'u nodi ym mharagraff 6.13 <a href="#">ein datganiad trwyddedu DAB ar raddfa fach</a>.</p> <p>Rhaid i'r trwyddedai sicrhau bod o leiaf 36 o unedau capasiti<sup>1</sup> yn cael eu neilltuo ar gyfer pob gwasanaeth C-DSP. Er enghraifft, mae neilltuo capasiti ar gyfer tri gwasanaeth yn golygu bod yn rhaid neilltuo 108 o unedau capasiti (hy 3 x 36 o unedau capasiti) at ddefnydd gwasanaethau C-DSP yn unig. Ni all trwyddedai'r amblecs ddefnyddio'r capasiti hwn at unrhyw ddiben heblaw ar gyfer cludo gwasanaethau radio sydd â thrwydded C-DSP.</p>

<sup>1</sup> Mae 36 o unedau capasiti yn cyfateb i gyfradd ddiadau DAB+ o 48 kdid yr eiliad ar lefel gwarchodaeth EEP3A

Data	Disgrifiad
<b>Gwasanaeth DAB lleol 1 (a phoblogaeth ardal y drwydded)</b>	<p>Dyma enw gwasanaeth amblecs radio lleol sy'n bodoli'n barod ac yn gorgyffwrdd â'r ardal a fydd yn cael ei gwasanaethu gan y gwasanaeth amblecs radio ar raddfa fach y mae'r drwydded yn cael ei hysbysebu ar ei chyfer. Mae cyfanswm y boblogaeth oedolion (15+ oed) yn ardal drwyddedig y gwasanaeth amblecs radio lleol sy'n bodoli'n barod (a all fod yn fwy na'r ardal y mae'n ei gwasanaethu drwy ei rwydwaith trawsyrru presennol) wedi'i nodi mewn cromfachau. Pan fydd mwy nag un gwasanaeth amblecs radio lleol sy'n bodoli'n barod yn gorgyffwrdd ag ardal y drwydded amblecs radio ar raddfa fach sy'n cael ei hysbysebu, mae rhesi ychwanegol o'r enw 'Gwasanaeth DAB lleol 2 [...]' a 'Gwasanaeth DAB lleol 3 [...]' yn cael eu cynnwys fel sy'n briodol.</p>
<b>Gorgyffwrdd â phoblogaeth gwasanaeth DAB lleol 1 (a chanran)</b>	<p>Y boblogaeth o oedolion (15+ oed) sydd o fewn ardal y drwydded amblecs radio ar raddfa fach a hysbysebir, sydd hefyd o fewn ardal drwyddedig y gwasanaeth amblecs radio lleol sy'n gorgyffwrdd a nodwyd uchod. Mae'r boblogaeth hon sy'n gorgyffwrdd yn cael ei darparu fel ffigur pendant, a hefyd fel canran o gyfanswm poblogaeth ardal drwyddedig y gwasanaeth amblecs radio lleol, mewn cromfachau.</p> <p>Mae maint y gorgyffwrdd rhwng ardaloedd trwyddedig gwasanaethau amblecs radio lleol ac ar raddfa fach yn berthnasol, gan fod gofyniad cyfreithiol i gyfyngu gorgyffwrdd o'r fath i ddim mwy na 40% o'r boblogaeth yn ardal drwyddedig y gwasanaeth amblecs radio lleol sy'n bodoli'n barod.</p>
<b>Y bloc amledd a gynigir</b>	<p>Yr amledd trawsyrru nominal sydd wedi cael ei ddyrannu i ardal y drwydded amblecs radio ar raddfa fach a hysbysebir, ac yr ydym yn bwriadu ei ddefnyddio i ddarparu'r gwasanaeth. Dylai ymgeiswyr gofio mai amledd dros dro yw'r un a roddir yma, sy'n adlewyrchu bwriad Ofcom adeg hysbysebu. Fe allai'r amledd newid am resymau rheoli sbectrwm cyn i'r drwydded gael ei dyfarnu, ond rhaid i ymgeiswyr seilio eu ceisiadau ar yr amledd a nodwyd.</p>

Data	Disgrifiad
<p><b>Ardaloedd bloc ar y cyd ar gyfer trwyddedau DAB ar raddfa fach a/neu amblecsau lleol</b></p>	<p>Mae'n rhestru unrhyw wasanaethau amblecs radio ar raddfa fach cyfagos a/neu unrhyw wasanaethau amblecs radio lleol sy'n bodoli'n barod (neu arfaethedig) sy'n rhannu neu a allai rannu'r bloc amledd trawsyrru nominal uchod.</p> <p>Mae taenlen sy'n cynnwys dolenni i ddata ardal y drwydded a data poblogaeth ar gyfer yr ardaloedd bloc ar y cyd posibl hyn ar gael ar wefan Ofcom: <a href="#">Cefnogi data technegol a dolenni ar gyfer lleoliadau Rownd Saith</a>.</p> <p>Mae'r data hwn ar gael mewn Fformat Cyfnewid MapInfo, ac mae'n bosib ei fewngludo i becynnau meddalwedd system gwybodaeth ddaearyddol (GIS). Mae'r daenlen hefyd yn cynnwys dolenni i fapiau unigol ar gyfer pob ardal drwyddedig amblecs radio lleol ac ar raddfa fach.</p> <p>Mae'r wybodaeth am wasanaethau DAB sy'n defnyddio bloc ar y cyd yn berthnasol, gan fod cyfyngiadau ar gryfder y signal y gall gwasanaeth amblecs radio ar raddfa fach ei osod yn ardal drwyddedig gwasanaeth amblecs radio arall sy'n defnyddio'r un bloc amledd. Mae'r cyfyngiadau hyn ar gryfder y signal yn 38 dBµV/m ar uchder o 10m yn achos ardaloedd trwyddedig amblecsau radio ar raddfa fach eraill, a 29 dBµV/m ar uchder o 10m pan fydd gwasanaethau amblecs radio lleol yn defnyddio amleddau bloc ar y cyd. Yn y tablau isod ar gyfer pob map, mae gwasanaethau amblecs radio lleol yn cael eu nodi gan y llythrennau 'LRMS' yn dilyn enw'r ardal. Mae enwau ardaloedd eraill yn dynodi ardaloedd amblecs ar raddfa fach gwirioneddol neu arfaethedig eraill.</p>
<p><b>Gwybodaeth ychwanegol</b></p>	<p>Rhagor o wybodaeth neu gyfyngiadau y mae Ofcom yn credu y dylai'r ymgeisydd ar gyfer ardal benodol y drwydded fod yn ymwybodol ohonynt. Gall hyn gynnwys pethau fel cyngor ar feysydd lle mae mwy o ymyriant na'r disgwyl, pryderon penodol am ymyriant o'r tu allan, a defnyddio rhai safleoedd trawsyrru.</p>

Data	Disgrifiad
<b>Materion rhyngwladol</b>	<p>Gwybodaeth am y cyfyngiadau sy'n berthnasol i'r lefelau signal y gall y gwasanaeth amblecs ar raddfa fach eu rhoi mewn gwledydd cyfagos. Mae'r cyfyngiadau ar allu'r DU i roi signalau mewn gwledydd eraill yn amrywio yn ôl bloc amledd ac maent hefyd yn cael eu mynegi fel cyfanswm yr holl wasanaethau sy'n gweithredu ar y blociau hynny.</p> <p>Mae'r wybodaeth a nodir yn yr hysbyseb yn cynrychioli amcangyfrif Ofcom o'r cyfyngiadau y bydd angen iddynt fod yn berthnasol i'r cynlluniau technegol ar gyfer pob ardal a hysbysebier er mwyn galluogi'r DU i gydymffurfio â'r cytundebau sydd gennym â gwledydd cyfagos. Mae'r amcangyfrifon yn seiliedig ar ein rhagdybiaethau ynghylch nifer yr ardaloedd a fydd yn defnyddio bloc amledd penodol (gan gynnwys rhai nad ydynt wedi cael eu hysbysebu eto), a'r cynlluniau technegol y bydd ymgeiswyr yn eu cyflwyno. Efallai y bydd y terfynau gwirioneddol y bydd angen i drwyddedeion gydymffurfio â nhw yn wahanol, ac mewn rhai achosion gallent fod ychydig yn llai cyfyngol, unwaith y byddwn yn gwybod lle mae trwyddedau'n cael eu dyfarnu, a'r cynlluniau trosglwyddyddion y mae'r ymgeiswyr llwyddiannus hynny wedi cynnig eu rhoi ar waith.</p>
<b>&lt;Dolen i ddata ardal y drwydded&gt;</b>	Dolen i ffeiliau data sy'n disgrifio ardal ddaearyddol y drwydded. Mae'r data hwn ar gael mewn Fformat Cyfnewid MapInfo, ac mae'n bosib ei fewngludo i becyn meddalwedd system gwybodaeth ddaearyddol (GIS).
<b>&lt;Dolen i ddata poblogaeth&gt;</b>	Dolen i ffeiliau data sy'n cynnwys dosbarthiad y boblogaeth yn ardal y drwydded. Mae'r data hwn ar gael mewn Fformat Cyfnewid MapInfo, ac mae'n bosib ei fewngludo i becyn meddalwedd system gwybodaeth ddaearyddol (GIS).


- 2.3 Bydd pob trwydded amblecs radio ar raddfa fach yn cael ei rhoi am gyfnod o saith mlynedd o'r dyddiad dechrau darlledu, gyda chyfnod adnewyddu o bum mlynedd arall ar gael. Rhaid i wasanaethau fod ar yr awyr o fewn 18 mis i ddyfarnu'r drwydded. Mae hyn yn ofyniad cyfreithiol yn y ddeddfwriaeth DAB ar raddfa fach a dylai ymgeiswyr llwyddiannus ddisgwyl i Ofcom ei ddefnyddio'n llym.
- 2.4 Ar yr un pryd ag y mae Ofcom yn hysbysebu trwyddedau Rownd Saith ar gyfer amblecs radio ar raddfa fach, rydym hefyd yn gwahodd ceisiadau gan ddarparwyr gwasanaethau rhaglenni posibl a fyddai'n dymuno darlledu gwasanaeth Rhaglenni Sain Digidol Cymunedol ('C-DSP') ar unrhyw un o'r gwasanaethau amblecs radio ar raddfa fach y mae'r ddogfen hon yn hysbysebu trwydded ar eu cyfer. Nid oes dyddiad cau ar gyfer cyflwyno cais am drwydded C-DSP i Ofcom. Mae hyn yn golygu bod y ffenestr ar gyfer gwneud cais am drwydded C-DSP ar gyfer gwasanaeth sydd i'w ddarparu ar unrhyw un o'r gwasanaethau amblecs radio ar raddfa fach y mae trwydded yn cael ei hysbysebu ar eu cyfer yn Rownd Saith nawr yn 'agored' am y dyfodol rhagweladwy. Dylai ymgeiswyr posibl am drwydded C-DSP hefyd nodi nad yw'r broses o wneud cais am drwydded C-DSP yn mynnu eu bod yn dewis un neu fwy o ymgeiswyr am y drwydded ar gyfer y gwasanaeth amblecs radio DAB ar raddfa fach maen



nhw'n dymuno ei ddefnyddio i ddarlledu. Os yw'r ymgeiswyr yn dymuno, gallant aros nes bydd y drwydded amblecs radio ar raddfa fach wedi cael ei dyfarnu, cyn cyflwyno cais am drwydded C-DSP. Fodd bynnag, byddem yn cynghori ymgeiswyr amblecs a darparwyr C-DSP posibl i gysylltu â'i gilydd yn gynnar yn y broses, oherwydd bydd angen cytundeb cludo ar ddarllledwr yn ogystal â thrwydded Ofcom.

- 2.5 Nid oes dim i rwystro ymgeisydd am drwydded amblecs radio ar raddfa fach rhag gwneud cais hefyd am drwydded C-DSP i ddarlledu ar y gwasanaeth amblecs radio ar raddfa fach hwnnw (hy gall trwyddedai amblecs radio ar raddfa fach ddarlledu gwasanaeth C-DSP ar ei amblecs ei hun hefyd). Yn wir, un o'r materion y mae'r ddeddfwriaeth yn mynnu bod Ofcom yn eu hystyried wrth ddyfarnu trwydded amblecs ar raddfa fach yw pa mor ddymunol yw dyfarnu i ymgeisydd sy'n cynnig darparu gwasanaeth C-DSP yn yr ardal honno, neu i ymgeisydd sydd – fel cyfranogwr – â rhywun sy'n cynnig gwneud hynny.
- 2.6 Mae'r ffurflenni cais ([Rhan A](#) a [Rhan B](#)) a'r [canllawiau](#) cysylltiedig ar gyfer ymgeiswyr a thrwyddedeion C-DSP ar gael ar wefan Ofcom.
- 2.7 Mae Ofcom yn cadw'r hawl i newid neu gywiro unrhyw ran o'r Hysbysiad hwn ar unrhyw adeg cyn y dyddiad cau ar gyfer ceisiadau. Hefyd, mae unrhyw ddogfennau ychwanegol y cyfeirir atynt yn yr Hysbysiad hwn yn gallu cael eu newid o bryd i'w gilydd. Bydd unrhyw newidiadau, cywiriadau neu wybodaeth atodol o'r fath ar gael ar ein gwefan.
- 2.8 Nid yw'r wybodaeth yn yr Hysbysiad hwn yn cynnwys yr holl ofynion statudol a thrwyddedu, ac ni ddylid ei hystyried yn ddatganiad cyflawn ac awdurdodol o'r gyfraith. Nid yw unrhyw wybodaeth a roddwn ychwaith, boed yn yr Hysbysiad hwn neu mewn manau eraill, yn awgrymu unrhyw farn gennym ynghylch rhagolygon masnachol y ceisiadau, nac y bydd gwasanaethau trwyddedig yn broffidiol.
- 2.9 Rhaid i ymgeiswyr wneud eu hasesiad annibynnol eu hunain ar ôl cael cyngor proffesiynol eu hunain, a chynnal unrhyw ymchwiliadau pellach o'r fath sy'n angenrheidiol yn eu barn nhw ar bob mater perthnasol.
- 2.10 Nid ydym yn rhoi unrhyw sylwadau na gwarant, yn benodol nac yn ymhlyg, mewn perthynas â'r wybodaeth yn yr Hysbysiad hwn (ynghyd â'r dogfennau eraill y cyfeirir atynt yn yr Hysbysiad hwn, yn ogystal ag unrhyw wybodaeth arall y byddwn ni'n ei chyhoeddi sy'n ymwneud â materion sy'n berthnasol i'r Hysbysiad hwn, gan gynnwys unrhyw wybodaeth y gallem ei chyhoeddi mewn perthynas â'r ceisiadau a ddaw i law) nac mewn perthynas ag unrhyw wybodaeth ysgrifenedig neu lafar a roddir neu a ddarperir i unrhyw ymgeisydd posibl neu ei gynghorwyr proffesiynol. Felly ymwadir yn benodol ag unrhyw atebolrwydd, ac nid ydym felly'n derbyn atebolrwydd am unrhyw golledion, treuliau na difrod a ddiodefir neu a achosir fel arall o ganlyniad i baratoi unrhyw geisiadau ar sail neu yn unol â'r Hysbysiad hwn neu fel arall gan ddibynnu ar wybodaeth a nodir yma, boed ceisiadau'n cael eu cyflwyno ai peidio, a boed y ceisiadau'n llwyddiannus ai peidio.

## Llanelli



**Poblogaeth o fewn yr ardal a hysbysebir:** 143,324

**Maint yr ardal a hysbysebir (km<sup>2</sup>):** 946 km<sup>2</sup>

**Capasiti C-DSP sydd wedi'i neilltuo:** Gwasanaethau FOUR

**Gwasanaeth DAB lleol 1 (a phoblogaeth ardal y drwydded):** Canolbarth a Gorllewin Cymru (379,159)

**Gorgyffwrdd â phoblogaeth gwasanaeth DAB lleol 1 (a chanran):** 92,039 (24.27%)

**Gwasanaeth DAB lleol 2 (a phoblogaeth ardal y drwydded):** Abertawe (596,014)

**Gorgyffwrdd â phoblogaeth gwasanaeth DAB lleol 2 (a chanran):** 143,324 (24.05%)

**Y bloc amledd a gynigir:** Bloc 9C

**Ardaloedd bloc ar y cyd posib ar gyfer DAB ar raddfa fach i'w diogelu:**

Rhaid i'r gwasanaeth hwn beidio ag achosi unrhyw ymyriant sylweddol sy'n fwy na 38 dBµV/m i'r ardaloedd DAB ar raddfa fach canlynol: Aberhonddu, Weston-Super-Mare, a Barnstaple a Bideford.

**Gwybodaeth ychwanegol:**

Os yw ymgeiswyr yn dymuno defnyddio safle presennol trosglwyddydd DAB Carmel neu Mynydd Sylen, mae rhagfynegiadau Ofcom yn dangos efallai fod angen antenna pŵer isel, antenna isel o ran uchder a/neu antenna cyfeiriadol er mwyn bodloni'r meini prawf ar gyfer ymyriant o'r tu allan.

O ganlyniad i agosrwydd a thopograffeg, gall fod yn heriol i ymgeiswyr gynnal ymyriant o'r tu allan o dan y lefelau a nodir yn y Nodiadau Cyfarwyddyd o fewn ffin ogleddol ardal DAB ar raddfa fach Barnstaple a Bideford ar hyd ac i'r gogledd o'r B3343, ac ar rai rhannau uwch o Fannau Brycheiniog yn ardal DAB ar raddfa fach Aberhonddu. Mae Ofcom yn disgwyl i ymgeiswyr roi sylw penodol i leihau unrhyw ymyriant o'r fath cymaint â phosib.

Yn yr ardal hon a hysbysebir, efallai y bydd rhai ardaloedd arfordirol deheuol ac ardaloedd uwch o Benrhyn Gŵyr, yn ogystal â thir uchel i'r gogledd o Bontarddulais, yn agored i lefelau uwch o ymyriant o'r tu allan gan amblecsau DAB ar raddfa fach a allai fod ar yr awyr yn barod neu a allai ddod ar yr awyr yn y dyfodol.

Mae rhagor o fanylion ar gael yng Nghynllawiau Polisi Technegol Ofcom ar gyfer trwyddedeion amblecs DAB (paragraff 4.14 ymlaen).

**Materion rhyngwladol:**

Nid yw Ofcom yn disgwyl i'r gwasanaeth hwn achosi na bod yn destun unrhyw broblemau ymyriant rhyngwladol.

Fodd bynnag, dylid sicrhau bod cyn lleied â phosib o ymyriant i Weriniaeth Iwerddon. Efallai y bydd angen dylunio rhwydweithiau i leihau lefelau cryfder maes tuag at Weriniaeth Iwerddon drwy ddewis safleoedd yn ofalus, cyfyngu ar uchafswm pŵer trosglwyddyddion a defnyddio antenau trawsyrru cyfeiriadol fel y bo'n briodol. Dylid nodi, os bydd datblygiadau yn y dyfodol yng Ngweriniaeth Iwerddon yn arwain at angen defnyddio sbectrwm Band III yno, mae gan Iwerddon yr hawliau i weithredu rhwydweithiau yn unol â chytundebau rhyngwladol presennol. Os bydd hyn yn digwydd, bydd Ofcom yn gweithio gyda deiliaid trwydded SSDAB i ddatrys unrhyw broblemau posib o ran ymyriant, a gallai hyn olygu newid amledd trawsyrru neu fesurau eraill.

Gweler [data'r ardal a hysbysebir](#) a'r [data poblogaeth](#) ar gyfer y rhanbarth hwn.

# 3. Sut mae gwneud cais

## Cyflwyno ffurflen gais a ffioedd

---

- 3.1 Wrth wneud cais am unrhyw un o'r trwyddedau amblecs radio ar raddfa fach a hysbysebwr yn y ddogfen hon, rhaid defnyddio'r ffurflen gais am drwydded amblecs radio ar raddfa fach. Rhennir y ffurflen gais yn ddwy ran: [Rhan A](#) (y byddwn yn ei chyhoeddi ar ein gwefan) a [Rhan B](#) (a fydd yn aros yn gyfrinachol). O ran yr ymgeiswyr sy'n dymuno gwneud cais – yn amodol ar y cyfyngiadau perchnogaeth – am fwy nag un drwydded amblecs radio ar raddfa fach, bydd angen ffurflen gais ar wahân ar gyfer pob cais.
- 3.2 Cyn llenwi'r cais, mae'n hanfodol bod ymgeiswyr yn darllen y [canllawiau ar drwyddedau amblecs radio ar raddfa fach](#) yn ofalus. Yn ogystal â darparu rhagor o wybodaeth am y cwestiynau rydym yn eu gofyn yn y ffurflenni cais, mae'r Canllawiau yn rhoi arweiniad manwl ar y drefn trwyddedu amblecs DAB ar raddfa fach yn ei chyfanrwydd, gan gynnwys materion fel y cyfyngiadau perchnogaeth, y meini prawf asesu statudol a sut bydd Ofcom yn dehongli'r meini prawf hyn wrth asesu ceisiadau.
- 3.3 Y dyddiad cau ar gyfer derbyn ffurflenni cais am drwydded amblecs radio ar raddfa fach, a dogfennau gofynnol eraill yw **5pm dydd Mawrth 29 Ebrill 2025**. Dylai rhannau cyfrinachol y ffurflen gais, a'r rhannau nad ydyn nhw'n gyfrinachol, gael eu hanfon dros e-bost i: [smallscaleDAB@ofcom.org.uk](mailto:smallscaleDAB@ofcom.org.uk). Dylid labelu llinell pwnc yr e-bost yn glir fel hyn: “[Enw'r ymgeisydd] application for SSDAB mux licence: [ardal y drwydded].” Bydd y dyddiad cau ar gyfer ceisiadau yn cael ei orfodi'n llym, felly fe'ch cynghorir i gyflwyno eich cais mewn da bryd er mwyn caniatáu ar gyfer unrhyw broblemau posibl wrth ei ddanfôn. Dylech gael ateb awtomatig gan [smallscaleDAB@ofcom.org.uk](mailto:smallscaleDAB@ofcom.org.uk) yn cadarnhau bod Ofcom wedi derbyn eich e-bost. Os na fyddwch yn cael ymateb, mae'n bosib na fydd eich cais wedi cael ei dderbyn a dylech gysylltu â Chanolfan Gyswilt Ofcom ar 0300 123 3333 a gofyn i adael neges i'r tîm Trwyddedu Darlledu, a fydd yn ymateb i'ch neges cyn gynted â phosib. Sylwch mai dim ond **un** ymateb awtomatig y byddwch chi'n ei gael bob dydd, waeth faint o negeseuone-bost rydych chi wedi'u hanfon i'r cyfeiriad hwn. Bydd cael un ymateb awtomatig yn cadarnhau ein bod yn derbyn eich negeseuone-bost.
- 3.4 Bydd angen talu ffi ymgeisio o **£500** ar gyfer pob cais am drwydded amblecs radio ar raddfa fach a gyflwynir. Ni fydd modd ad-dalu'r ffi hon mewn unrhyw amgylchiadau. Rhaid i daliadau trosglwyddiad banc electronig gyrraedd cyfrif banc Ofcom bum diwrnod gwaith, ar yr hwyraf, ar ôl i Ofcom dderbyn y ffurflen gais. Gallai methu â chydymffurfio â'r gofynion hyn olygu bod y cais yn cael ei ystyried yn anghymwys. Ceir manylion llawn ynghylch sut i dalu'r ffi ymgeisio yn adran 'Ffi Ymgeisio' y [canllawiau ar drwyddedau amblecs radio ar raddfa fach](#).

## Cyflwyno ffurflen gais a ffioedd

---

- 3.5 Bydd Ofcom yn asesu ceisiadau yn unol â'n dyletswyddau cyffredinol a'r meini prawf asesu statudol penodol (fel mae'r canllawiau'n eu hatgynhyrchu ac yn ymhelaethu arnynt), ac ar sail y cynigion a gyflwynir yn y ffurflen gais a gwblhawyd. Cyfrifoldeb yr ymgeisydd yw sicrhau bod y cais a gyflwynir yn gyflawn, gyda phob cwestiwn wedi cael ei ateb (neu, lle bo'n briodol, wedi'i farcio fel cwestiwn 'Amherthnasol') a'r holl wybodaeth ychwanegol angenrheidiol (fel y cynllun technegol) wedi cael ei darparu yn ychwanegol at y ffurflen

gais. Ar ôl i'r cais ein cyrraedd, ni chaiff yr ymgeisydd wneud unrhyw newidiadau sylweddol i'r cais, na chyflwyno unrhyw ddeunyddiau newydd, heb gael cytundeb Ofcom. Ni fydd Ofcom yn cytuno ar unrhyw ddiwygiad y mae'n credu a fyddai'n annheg i unrhyw ymgeisydd arall sy'n gwneud cais am y drwydded.

- 3.6 Wrth asesu ceisiadau, mae'n bosibl y bydd Ofcom yn gofyn am eglurhad a/neu'n gofyn i'r ymgeisydd ymhelaethu ar gynigion mewn unrhyw gais, ac yn gofyn i'r ymgeisydd roi gwybodaeth ychwanegol i ni.
- 3.7 Bydd holl adrannau'r ffurflenni cais nad ydynt yn gyfrinachol ('Rhan A') a dderbyniwn yn cael eu cyhoeddi ar ein gwefan ar ôl y dyddiad cau ar gyfer ceisiadau. Wrth asesu'r ceisiadau, gall Ofcom ystyried unrhyw sylwadau a ddaw i law gan y cyhoedd – gellir cyflwyno sylwadau i Ofcom am y ceisiadau a gyflwynwyd drwy anfon e-bost i [smallscaleDAB@ofcom.org.uk](mailto:smallscaleDAB@ofcom.org.uk).
- 3.8 Ein nod yw ystyried pob cais am y trwyddedau amlblecs radio ar raddfa fach a hysbysebir o fewn chwe mis i'w cyflwyno, ond mae hyn yn amodol, ymysg pethau eraill, ar nifer y ceisiadau a gyflwynir ar gyfer pob un o'r trwyddedau rydym wedi'u hysbysebu yn Rownd Saith.
- 3.9 Ar ôl penderfynu dyfarnu trwydded a rhoi gwybod i'r ymgeiswyr, bydd Ofcom yn cyhoeddi'r prif ffactorau a arweiniodd at ein penderfyniad.